



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՇՈՒԿԱՅԻ ՎԵՐԱՀՍԿՈՂՈՒԹՅԱՆ ՏԵՍԶԱԿԱՆ ՄԱՐՄԻՆ**

Ո Ր Ո Շ ՈՒ Մ N_148

Տուգանք նշանակելու մասին

28.04.2022

ք. Երևան

Քննելով տեսչական մարմնի ղեկավարի կողմից 15.04.2022թ. Սամվել Ղազարի Սարգսյանի նկատմամբ հարուցված թիվ 04 վարչական վարույթի նյութերը (11.02.2022թ. թիվ 94-Ա հրաման, ստուգման ակտ 94-Ա կազմված 14.03.2022թ., խախտումների մասին 18.02.2022թ. արձանագրությունը, տուգանք նշանակելու մասին 23.03.2022թ. թիվ 83 որոշումը, բացահայտված խախտումների և թերությունների վերացման ուղղությամբ 14.03.2022թ. արձակված թիվ 8 կարգադրագիրը և այլ նյութերը).

ՊԱՐԶԵՑԻ

Տեսչական մարմնի ղեկավարի 2022 թվականի փետրվարի 11-ի թիվ 94-Ա հրամանի հիման վրա Տեսչական մարմնի տեխնիկական կանոնակարգերով սահմանված պահանջների և թանկարժեք մետաղների վերահսկողության վարչության ծառայողները Սամվել Ղազարի Սարգսյան Ա/Ձ-ում իրականացրել են ստուգում, որի արդյունքում պարզվել է, որ Ա/Ձ-ն ք.Երևան, Քրիստափորի 2, տաղ. 1 հասցեում իրականացնում է թեթև արդյունաբերության և երեխաների և դեռահասների համար նախատեսված արտադրանքների ներմուծում և մանրածախ վաճառք:

22.04.2022թ.-ից առ ստուգման պահին ընկած ժամանակահատվածում Ա/Ձ-ի կողմից ներմուծված թեթև արդյունաբերության, երեխաների և դեռահասների համար նախատեսված բոլոր տեսակի ապրանքները ներմուծվել և իրացվել են առանց համապատասխանության գնահատման փաստաթղթի, միաժամանակ պարզվել է, որ իրացվող վերոնշյալ արտադրանքները չեն համապատասխանում տեխնիկական կանոնակարգով սահմանված հայերեն մակնշմանը ներկայացվող պահանջներին:

Փաստացի խախտվել են «Տեխնիկական կանոնակարգի մասին» ՀՀ օրենքի 27-րդ հոդվածի 3-րդ մասերի և Մաքսային միության հանձնաժողովի 09.12.2011թ.-ի N876 որոշմամբ հաստատված «Թեթև արդյունաբերության արտադրանքի անվտանգության մասին տեխնիկական կանոնակարգի 3-րդ հոդվածի 1-ին և 2-րդ կետերի, 9-րդ հոդվածի 1-ին, 2-րդ և 3-րդ կետերի և ՄՄ հանձնաժողովի 2011թ.-ի սեպտեմբերի 23-ի N797

որոշմաբ հաստատված՝ «Երեխաների և դեռահասների համար նախատեսված արտադրանքի անվտանգության մասին» տեխնիկական կանոնակարգի 3-րդ հոդվածի 1-ին կետի, 9-րդ հոդվածի 1-ին, 2-րդ, 3-րդ, 10-րդ կետերի և 13-րդ հոդվածի 3-րդ կետի պահանջները:

Խախտումների վերացման նպատակով «Տեխնիկական կանոնակարգման մասին» ՀՀ օրենքի 28.3-րդ հոդվածի համաձայն 14.03.2022թ. արձակվել է բացահայտված խախտումների և թերությունների վերացման ուղղությամբ թիվ 8 կարգադրագիրը, որի կատարման համար ժամկետ է սահմանվել 14.04.2022թ.-ը, սակայն Սամվել Ղազարի Սարգսյանը չի կատարել օրենքի պահանջը, այն է՝ սահմանված ժամկետում կարգադրագրի կատարման մասին տեղյակ չի պահել տեսչական մարմին, որն համարվում է կարգադրագրի չկատարում և «Վարչական իրավախախտումների վերաբերյալ» ՀՀ օրենսգրքի 188-րդ հոդվածի 4-րդ մասով առաջացնում է պատասխանատվություն:

ՀՀ Շուկայի վերահսկողության տեսչական մարմնում 28.04.2022թ.-ին ժամը 11:00-ին կայացած վարչական գործի քննությանը մասնակցել է տեղի, օրվա, ժամանակի մասին «Վարչական իրավախախտումների վերաբերյալ» ՀՀ օրենսգրքի 267-րդ հոդվածի համաձայն պատշաճ ծանուցված իրավախախտում կատարած անձը:

Վարչական իրավախախտումների վերաբերյալ Հայաստանի Հանրապետության օրենսգրքի 32-րդ հոդվածին համապատասխան Սամվել Սարգսյանի նկատմամբ վարչական տույժը որպես վարչական պատասխանատվության միջոց կիրառելիս վարչական իրավախախտման վերաբերյալ գործը քննելիս հաշվի են առնվել կատարված իրավախախտման բնույթը, նրա անձը, մեղքի աստիճանը, գույքային դրությունը պատասխանատվությունը մեղմացնող և ծանրացնող հանգամանքները: Արդյունքում պարզվեց, որ նրա արարքում առկա են Վարչական իրավախախտումների վերաբերյալ Հայաստանի Հանրապետության օրենսգրքի 33-րդ և 34-րդ հոդվածներին համապատասխան վարչական իրավախախտման համար պատասխանատվությունը մեղմացնող և ծանրացնող հանգամանքներ:

Մասնավորապես, արարքը ծանրացնող հանգամանք է այն, որ տևական ժամանակ անհատ ձեռնարկատերը շարունակել է հակաիրավական վարքագիծը: Ինչպես ստուգմամբ ընդգրկվող ողջ ժամանակահատվածում, այնպես էլ բացահայտված խախտումների և թերությունների վերացման ուղղությամբ թիվ 8 կարգադրագրով սահմանված ժամկետում Ա/Ձ-ի կողմից ներմուծված թեթև արդյունաբերության, երեխաների և դեռահասների համար նախատեսված բոլոր տեսակի ապրանքները ներմուծվել և իրացվել են առանց համապատասխանության գնահատման փաստաթղթի, միաժամանակ պարզվել է, որ իրացվող վերոնշյալ արտադրանքները չեն համապատասխանում տեխնիկական կանոնակարգով սահմանված հայերեն մակնշմանը ներկայացվող պահանջներին:

Իսկ արարքը մեղմացնող հանգամանք է այն, որ 30.03.2022թ.-ից նա հնարավորություն չի ունեցել վերացնելու խախտումները, քանի որ ստացել է ձեռքի վնասվածք և չի կարողացել զբաղվել ապրանքների սերտիֆիկացման գործընթացով:

Վարչական իրավախախտումների վերաբերյալ Հայաստանի Հանրապետության օրենսգրքի 279-րդ հոդվածին համապատասխան վարչական իրավախախտման վերաբերյալ գործը քննելիս Տեսչական մարմնի կողմից պարզվեց, որ Սամվել Սարգսյանի կողմից կատարվել է վարչական իրավախախտում, նա մեղավոր է այն կատարելու մեջ, հետևաբար ենթակա է վարչական պատասխանատվության, սակայն առկա են պատասխանատվությունը մեղմացնող և ծանրացնող հանգամանքներ:

Ղեկավարվելով Վարչական իրավախախտումների վերաբերյալ Հայաստանի Հանրապետության օրենսգրքի 32-րդ հոդվածի 2-րդ մասով, 33-րդ, 34-րդ հոդվածներով, 244.7 հոդվածով, 279-րդ հոդվածով, 281-րդ հոդվածով և 282-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1.Տվյալ իրավախախտման համար պատասխանատու ճանաչել Սամվել Ղազարի Սարգսյանին /հասցե՝ ՀՀ, ք. Երևան, Դավիթաշեն 2-րդ թ., 102., բն.39/ և կիրառել Վարչական իրավախախտումների վերաբերյալ Հայաստանի Հանրապետության օրենսգրքի 188-րդ հոդվածի 4-րդ մասով նախատեսված պատասխանատվության միջոցը, սահմանել տուգանք՝ 250 000 /երկու հարյուր հիսուն հազար/ ՀՀ դրամի չափով:

2.Համաձայն Վարչական իրավախախտումների վերաբերյալ օրենսգրքի 305 հոդվածի՝ տուգանքը պետք է վճարվի **Պետական բյուջե 900005024014 հ/հ** տուգանք նշանակելու մասին որոշումը իրավախախտողին հանձնելու օրվանից ոչ ուշ, քան 15 օրվա ընթացքում:

3.Տուգանք նշանակելու մասին որոշման հարկադիր կատարումը իրականացվում է «Վարչարարության հիմունքների և վարչական վարույթի մասին» ՀՀ օրենքի 5-րդ բաժնի դրույթներին համապատասխան:

4.Տուգանքը սահմանված ժամկետում վճարելուց հետո բանկային կտրոնի պատճենը անհրաժեշտ է 3 օրվա ընթացքում ներկայացնել տեսչական մարմնին՝ ք. Երևան, Կոմիտասի 49/2 հասցեով:

5.Սույն որոշումը կարող է բողոքարկվել ուժի մեջ մտնելու օրվանից երկու ամսվա ընթացքում Վարչական դատարան:

ՏԵՍՉԱԿԱՆ ՄԱՐՄՆԻ ՂԵԿԱՎԱՐ՝



ԱՐՄԵՆ ԿՈՏՈՒՅԱՆ

438/220